



LINDÅS KOMMUNE

KOMMUNEDELPLAN FOR OPPVEKST 2016 - 2028

FRAMLEGG TIL PLANPROGRAM 19. NOVEMBER 2015



DER DRAUMAR BLIR RØYNDOM



Innhald

1. Bakgrunn for planarbeidet
2. Føremål
3. Føringer for planarbeidet
4. Mål
5. Tema og avgrensing av innhald
6. Planprosess og medverknad
7. Framdrift

1. Bakgrunn for planarbeidet

Det å samle dei respektive fagmiljøa i oppvekstsektoren, har vore eitt av dei første tiltaka i kommunen sitt overordna organisasjonsprosjekt «Lindås 2019». For sektoren sin del, resulterte dette i at ein i 2014/15 har arbeidd med prosjektet Organisering av område Oppvekst. Dette prosjektet er no slutført, og ein har hausta mykje god informasjon om stoda i kommunen i høve til kvalitetsarbeid og opplevingar av styrke/utviklingspotensiale.

I prosjektporteføljen, som er lagt til prosjekt «Lindås 2019», er det å få utarbeidd ein kvalitetsplan for oppvekst lagt inn med start august 2015. Prosjektet er forankra i rådmannen si leiargruppe, med levekårsutvalet som politisk styringsgruppe.

Det er behov for å sjå samla på fagområda innafor sektoren, slik at ein kan definere og prioritere tiltak i eit tverrfagleg perspektiv med tidleg intervensjon samt heilskap i tenestetilbodet som målsetjing. Dette ligg til grunn både for val av organisasjonsmodell og nytt organisasjonskart. Frå 1.8.15 femner oppvekstområdet i Lindås kommune om skular, barnehagar, PPT, barnevern og helsestasjonen inkludert jordmortenesta.

2. Føremål

Kommunedelplanen er eit politisk dokument og styringsverktøy for å oppnå målsetjinga kommunen har i høve til området. Kommunedelplanen er eit verktøy både for dagleg og langsiktig arbeid og skal vere eit konkret arbeidsverktøy for politisk handsaming av saker som vedkjem oppvekstsektoren.

Det skal i denne prosessen utarbeidast ein kommunedelplan (kvalitetsplan) for oppvekst, som synleggjer behov og prioriterte tiltak i ein periode på inntil 12 år. Kvalitetsplanen dannar utgangspunktet for ein 4-årig handlingsdel på kommunenivå og verksemdsplanar på einingsnivå/avdelingsnivå. Handlingsdelen skal rullerast årleg.

Kommunedelplanen skal til politisk handsaming haust-16.

Gjennom planarbeidet skal ein sikre god forankring gjennom medverknad både frå innbyggjarar, aktørar som deltek i sektoren til dagleg, tilsette og interesseorganisasjonar.

3. Føringer for planarbeidet

Planarbeidet tek utgangspunkt i Lindås kommune sin samfunnsdel i kommuneplanen, og vil sjå innhaldet i denne i samanheng med statlege føringer knytt til feltet (Lov om barnehagar,

lov om grunnskulen og den vidaregåande opplæringa, lov om barneverntenester, lov om kommunale helse- og omsorgstenester, lov om vern mot smittsame sjukdomar, lov om planlegging og byggesaksbehandling).

4. Mål

Effektmål ein ønskjer å oppnå gjennom planprosessen:

1. Lindås kommune har heilskapleg oversyn over stoda; styrke, utfordringar og behov i høve til tenestetilbodet innafor oppvekstsektoren.
2. Lindås kommune har prioritert tiltak innafor sektoren med fokus på tverrfagleg samarbeid og tidleg intervensjon.
3. Lindås kommune har ein heilskapleg innsats i høve til prioriterte utvikingsområde.
4. Lindås kommune har gjennom medverknad både frå tilsette, tilsette sine organisasjonar og mottakarar av tenestetilbodet i prosessen, lagt grunnlag for eigarskap til tiltak og prioriteringar i kvalitetsplanen.

5. Tema og avgrensing av innhald

I prosessen inngår det å utarbeide ein Kvalitetsplan for oppvekst i Lindås kommune, som skal erstatte tidlegare kommunedelplanar for fagområda.

Kvalitetsplanen skal gjennom planprosessen ta utgangspunkt i prioriteringar i overordna planstrategi for kommunen, inn mot samfunnsdelen i kommuneplanen.

Kvalitetsplanen skal ha fokus på det faglege innhaldet i tenestetilbod innafor oppvekst, og vil ikkje omhandle byggt tekniske kvalitetar. Prioriteringar inn mot bygg må vurderast i samband med prosess knytt til økonomiplanen.

6. Planprosess og medverknad

1. Organisering

Politisk styringsgruppe:	Levekårsutvalet
Administrativ styringsgruppe:	Rådmannen si leiargruppe
Prosjektansvarleg:	Organisasjonssjef
Prosjektleder:	Kommunalsjef oppvekst
Prosjektgruppe:	Einingsleiarar: Barnevern, helse, skule og barnehage

Leiar for PPT
Kommuneoverlege
Representant for tilsette (HTV)
Representant for føresette (FAU-representant)

Referansegruppe 1:	Representant(ar) for leiarar oppvekst, tilsette oppvekst, stab oppvekst, føresette oppvekst/FAU, barn/unge oppvekst/elevråd/ungdomsråd, kultur og idrett, private barnehagar/skular, kommunepsykolog barn/unge samt Bup
Referansegruppe 2:	Ungdomsråd/Elevråd ungdomsskulane i Lindås
Referansegruppe 3:	Råd for menneske med nedsett funksjonsevne

2. Medverknad

I prosessen legg ein opp til stor grad av medverknad frå ulike aktørar som har interesse av innhaldet i planarbeidet.

- Rådsorgana i barnehage og skule skal sikrast informasjon og ha høve til å kome med innspel undervegs i prosessen
- Aktørar innafor oppvekstsektoren skal sikrast informasjon og ha høve til å kome med innspel undervegs
- Gjennom planprosessen skal tilsette involverast i arbeidet, gjennom personalmøte, drøftingsmøte og møte i «trepartsgruppa» (tillitsvald- verneombod og leiar) ved avdelinga
- Deltakarane i prosjektgruppa må bruke referansegruppene aktivt undervegs

3. Høyring

Framlegg til planprogram har vore til høyring i samsvar med plan og bygningslova §§ 11-4 og 11-5, og vart sendt til alle avdelingane under oppvekst, lagt ut på heimesida til kommunen samt i ekspedisjonen på rådhuset. I tillegg vart planarbeidet kunngjort i dei to lokalavisene i regionen.

Gjennom høyringsperioden kom det inn tre innspel til framlegg til planprogrammet, som alle er vurdert i samband med fastsetjing av endeleg planprogram.

7. Framdrift

Framdriftsplan for utarbeiding av planprogram og kommunedelplan (Kvalitetsplan oppvekst):

Aktivitet	Haust 2015	Vår 2016	Haust 2016
Framlegg til planprogram – rådmannen si innstilling	24.9		
Framlegg til planprogram – politisk handsaming	1.9		
Offentleg kunngjering	5.9		
Frist for merknader og innspel til planprogrammet	23.10		
Planprogram – rådmannen si innstilling	17.11		
Vedtak av planprogram – politisk handsaming	1.12		
Framlegg til Kvalitetsplan oppvekst – rådmannen si innstilling		1.3	
Framlegg til Kvalitetsplan oppvekst – politisk handsaming		15.3	
Høyringsperiode – Framlegg til Kvalitetsplan oppvekst		18.3-29.4	
Kvalitetsplan oppvekst – rådmannen si innstilling			16.8
Vedtak av Kvalitetsplan oppvekst – politisk handsaming			30.8